



11134

瑞芝山房詩鈔



瑞芝山房詩鈔卷五

戴森

字柘庵號肅齋監生著資繫
草堂詩鈔詩大京江者舊集

京口懷古

上有巍峩百尺之高樓下有蒼茫萬里之江流金焦北
固鼎足立地連楚尾與吳頭山影入江江入海海光搖
綠珠簾外此身忽入畫圖中遠近漁歌鳴欸乃我來憑
眺江之東雄圖百戰留英風煙波雜沓百靈會雲旗髣
髴來長空吁嗟乎狼石苔埋殿基朽六朝三國今何有
不如日飲京口酒醉看長江向東走

冬青閣和汪三劍池韻

瑞芝山房詩鈔

卷五

一

習靜耽幽趣閒居屋數椽夕陽銜嶺澹孤月抱樓圓徑
曲疑無路峯高欲挿天暫逃塵俗累老衲共談禪

懷汪劍池客淮陰

朔風吹不斷之子未遄歸野渡扁舟泊天涯一雁飛寒
鏡明旅館冷雪壓征衣莫問韓侯事如今漂母稀

招隱寺

攜得謝公屐來尋招隱山溪迴流凍雪窗小納煙鬟迎
客鐘聲遠親人鳥語閒松林一徙倚新月露眉彎

戴守梧

更名彥升號桐孫改字桐生號昉伯又號啟
子附生著三適齋詩草江甯劉廷楨題辭
云談經奪席尋常事如此華年我欲驚過日真成
十行下論才不啻萬人英漫勞馬價求唐肆已有

鴻文麗漢京鐵囊高樓石城水與君相對大江橫
按桐生公爲廉石公幼奇慧年十五六註禹
貢三十餘萬言姚文僖極賞之弱冠客皖主吟
書院講席其學專於說經而又旁通說文音韻之
學詩古文詞靡不淹博嘗著二十四蓮花講音韻
青萍劍傳奇四十八闕一時才名滿大江南北負
才早卒僅存有陳篋室遺稿三適齋詩草楚雨詞
桐生試帖數種茲錄并採周石芳學使江蘇試牘
中數則

岳忠武王墓下作

三字居然壞此身將軍大小眼如神傷心道服來南后
回首降旗陷北民故國暗還錢尙父荒墳空拜賈宜人
君王自戀湖山勝好細才來壓日秦

省試被放

瑞芝山房詩鈔

卷五

二

早是西風落葉時一宵綠鬢忽成絲巨編空獻金剛杵
濁酒頻斟玉練槌春夢婆休提往事秋墳鬼只唱新詩
平生温飽原非志此日躊躇轉費思

書洛神十三行

有人天壤恨難忘步障青綾護小郎一例感甄深意在
朦朧淡墨十三行

病中作

羅帷半入明月光欲寐不寐輪轉腸玉虬斷續蓮花漏
金鴨消沉柏子香攬衣抱影中宵起錦衾綿薄澆鉛水
碎佩心驚簷鐸聲得錢眼望燈花喜彫殘綠鬢換朱顏

枕上蕤蕤紅淚斑別恨剪開半江水愁心疊就萬重山
蛩語楚酸况瑣屑一叫一聲一凄絕霜風透骨骨如水
露氣侵肌肌似鏡寸心宛轉化遊絲天空何處着相思
少年易損崔駟樂秋氣能令宋玉悲病懷久作癡蠅凍
無翼雙飛學彩鳳欲託冥鴻寄遠音錦字無書惟有夢
爲顏瓚侯妹婿錫題五州山行看子用東坡書

王定國所藏烟江疊嶂圖韻

海門西北峙一山五州下視如點烟岡巒天際屬且獨
宿霧洗盡山蒼然有時銀海朝眩觀出日天風夕御聽
流泉翠巖千尺立如削其下瀉瀉清冷川帆影出沒俯
瑞芝山房詩鈔

卷五

三

鳥下雲容變滅羅睫前鴛鴦雙雙遠穿嶂薺樹叢叢青
插天誰歟收此入尺幅烟嵐滿眼生幽妍試問山腰一
髮梁武道山頂一方陳相田又試問老坡昔日題字處
山舊有東坡書
卧看滄江四字苔蘚風雨經幾年吹我松颺之蕭瑟照
我桂月之姍娟清流枕頭石皮脚夢雲不墮人酣眠滄
江偉觀得之卧飛車不羨蓬萊仙昔遊俯仰一彈指今
晨重與相延綠急呼山林向素壁聊爲濡毫伸紙寫作
招隱篇

湯副將攀龍督運南漕由海道達津門得

旨優叙還鎮瓜州作海外乘槎圖彥升爲長歌三百三

十六言以紀事

聖人御宇有六載川后効職海不波乃

眷東南軫民力用籌運道塞南河東南爭獻梁王議明嘉

靖間梁夢龍巡撫山東王宗沐督漕皆奏行海運輓粟轉輸勞大吏但令途遵

禹貢書禹貢揚州沿于江海為言海道之始不用官分海運使唐會要開元二十七年以李適為

河北海運使開府通侯持節來琦公干城獨器湯君

才要使圖形畫麟閣先教泛海凌蓬萊雲帆萬里連

艚宇宙奇觀軸轉斛管子戒篇桓公將東遊問于管仲曰我游猶軸轉斛南至琅邪是時

運也齊方海藉快平生汗漫游翻忘王事賢勞獨滄浪滉漾

迷雲香一氣莫辨汝與潮鱗鱗渚瞬息過罔象天吳

瑞芝山房詩鈔 卷五 四

不敢驕鯨濤飛入勞臣夢柁樓閒暇仍吟諷破浪今乘

宗慤風浮查不鑿張騫空忽焉驚颺合四圍對面黑水

皆倒飛舟過黑水洋遇風湯君有詩紀之澹臺敢折陽侯怒海若能知

天子威安穩

神倉輸粳稻浮漚回首看諸島自檢廷揚舊藉書明萬曆間

崇明人沈廷揚輶海運書五卷何煩明略新開道謂元設明略昔聞元

表朱張功謂元朱清張瑄事君能不伐踰數公清時再見平江

績謂明永樂時平江伯陳瑄讓德翻同大樹風

特思加艷矜榮遇細柳營開返瓜步到眼重看八月濤

驚心猶繞三山霧瀕洞風鱗入畫圖扁艘連接半模糊

準漁虎節凌萬頃，鮫市蜃樓小。一隅披圖觀，神爲王怪。
浪駭波非一狀，爲君賦就乘槎歌。置身鯁壑鯨溟上。

元夕焦山自然庵翫月

一聲飛玉管，殘雪滿中庭。驚起翠禽舞，梅花夢未醒。

別馮家灣

鵬淚班班漬土花，松門拜罷日西斜。淮陰一飯無人進，
守塚還思置萬家。

冶城柳枝詞

又見垂垂官道邊，含情和雨復和烟。春風儘有相憐意，
可得丰神似昔年。

瑞芝山房詩鈔

卷五

五

披拂鷗塘又鷺汀，自眠自起太伶俜。托根何必靈和殿，
朱鳥光中第一星。

新月生東日未西，喚船人獨向青谿。板橋一樹彎腰立，
多少昏鴉不敢栖。

零金殘粉問臺城，浪爲蕭梁感慨生。十里長隄作春色，
青青未必便無情。

容易相逢汁染袍，慣舒青眼隘江皋。芙蓉鏡下人難識，
枉向寒酸索棗糕。

冷落當年舊舞場，長淮盡處挂斜陽。攀條摘葉尋常事，
那解飛花滿店香。

蛾眉亭懷虞忠肅公

采石磯邊江倒流，有亭翼然磯上頭。獨客際午來亭中，
俯仰忽憶虞雍公。海陵投鞭思大舉，紫茸細軍皆虎旅。
公乎賀正中都回，傳得看花洛陽語。北風甚勁呼筆來，
隔江已建臨江臺。遙見絳旗黃蓋下，吳山立馬人徘徊。
此時南岸要衝地，王帥已逃李未至。告身金帛齎犒師，
公作參謀來奉使。殘兵一呼萬八千，沙岸立陳首尾聯。
克敵何須神臂弩，使風好仗海鱗船。南船踏浪如飛疾，
眼見北船沉一一。朝廷養兵三十年，大功乃自書生出。
再戰再捷成功奇，六飛緩發露布馳。遺恨長驅散關道，
瑞芝山房詩鈔卷五

六

當時愧殺順昌旗，裴度勲名亦何有。山形漸逐江流走，
祇留草木作疑兵。寒潮夜夜揚林口，登臨悵惘獨愁余。

時余將至太平依友人舟中校注陸賈新語

想像公當未遇初也，自飄零謁

夔守亦曾辛苦注唐書

吹劍錄外集虞丞相允文持所注新唐書千秦檜爲同舟者竊

之以獻公乃獻以他文而竊者已先去回途謁夔守沈該問公以同舟之爲人，公盛稱之沈曰：是人極口毀君，公曰：其所長甚多，但差好罵公嗟歎。再三尋入參大政，白召公遂至大用。

小橋墓

縹馬廬江道，荒阡蔓草滋。一坏埋艷骨，三國問殘碑。太尉憐嬌女，妍娥比少姨。皖城經轉徙，綺歲劇流離。海內方龍戰，江東避猗兒。相逢驚國色，初嫁識雄姿。姊妹茗

華刻君臣骨肉私，呂須原儷僧叔隗。竟從衰佳偶，真英發媿容。好倡隨比肩，矜玉貌弱冠。建牙旗，曲律從郎顧。兵書秉燭鏡，醇醪消虎氣。繼卷畫蛾眉，定憾曹瞞譎。居然越網施，酒雞忘宿約。銅雀結春思，天借東風便。舟焚赤壁師，奇功成旦夕。快意到閨帷，霸業今何往。香魂獨在茲，平生王佐略。宛轉欲通辭。

題宋于廷教諭

翔鳳

所藏圓圓小像

宋云得之五華山僧寺圓

圓粧樓中

絳縠飛髻輕，稱體曼鬢陸。離曉梳洗媿，光眇視足傾。城多少興，亾過眼底。五華山上妝閣開，妝成暗恨生。千回

瑞芝山房詩鈔

卷五

七

回首風波經浩劫，何心歌舞媚蘇臺。世間萬事一彈指，未必驕王可長恃。張穠不索大國封，綠珠肯爲齊奴死。藥鑪經卷謝歡娛，霞霞星冠絕代姝。元子晚途終作賊，仲陽他日免爲俘。拈花微笑有深悟，豈怕蛾眉入宮妬。會得重重幻境生，都緣好好容華誤。麗質天生亦有由，驅除蟻賊蕩神州。可憐紅粉輕盈態，中抱蒼涼家國愁。此身關係滄桑局，證果傳聞天女錄。尺幅猶看花藥圖，千金莫改梅村曲。祇恐生綃欲化雲，標池細把水沉熏。書生若擬真，真與小字分明記。晚芬

對月用冶城遺集韻

簾外窺人太有情
轉愁羈思照分明
一繩河漢飛難度
七寶樓臺幻不成
昨夜星辰曾感夢
此時烏鵲竟無聲
待他迴得浮雲盡
落落青天自在行

暮宿琴溪

塊嶺尖峯對面橫
依稀隔岸有人行
遲他山水清音發
忽聽一聲時鳥鳴

修竹千竿夾水濱
秋烟一色染蒼筠
最憐日落黃昏後

少箇天寒翠袖人

無數黃花草際開
一條石磴不封苔
斜飛露脚濕雲影

獨上仙人舊釣臺

瑞芝山房詩鈔

卷五

八

綠陰深處閉柴門
黯黯前林日易昏
水自南流山北轉
舊時月色了無痕

尺素重重手自裁
臨溪若爲小徘徊
琴高一向丹邱去
赤鯉無因得再來

飛龍骨出近憐余
轉覺神仙說匪虛
未必駐顏丹易鍊
請看多少藥渣魚

東山別墅與呂小坡丈

景軾

及茗香

廷輝

頌僖

映軒

廷魁

秘書

石渠

諸兄弟汪梅岑

時杰

夜話

卽景成詠

露檻尋周折
依山結構嚴
澗雲穿北牖
巖溜落南檐
下

隰龍鱗繡遙峰馬耳尖星河知最近只隔一重簾

竹樹聽蕭城都疑作雨聲烏龍隨月卧丹鳥學星明細
碎山泉響零殘木槿榮缸花如解事照我說平生

卧疾東山別墅用柳州城上高樓接大荒韻

縹緗豪素總拋荒十二時中思渺茫燕去定難忘舊壘
蝶癡未易度高牆霜飛鏡裏驚垂鬢月滿床前照斷腸
莫遣秋風侵病骨好吹清夢到家鄉

自旌德赴安慶第一程暮宿村舍

三間茅舍打頭斜向夕征人小任車晚飯公厨猜隱語
生書細字殺燈花雲隨東野懷知己

謂茗香頌憶映軒
秘書梅岑諸子

瑞老山房詩鈔

卷五

九

水落西流夢到家

村舍門
臨溪水

獨有前身舊明月依依相伴

在天涯

早發太平道中

明月天西斜眾山睡未醒僕夫告展輪出林一燈炯坐
卧任顛倒帷車類風艇犖确礙過輪潢汗微沒脛露光
明草際霧纈圍松頂上岡復下岡向路倏已迴稍稍見
人家稜稜繞畦町宵來噩夢驚不飲亦酪酊津梁身久
疲霄漢志難並王生望入騶吾邱希五鼎平生高臚問
念不到此等欲照光明胸出嶠日輪頊

小憩太平村舍

之岡三折僕夫疲條轉山村近水涯荒舍當簷張犢鼻
頭峯無黛點蛾眉臨高深媿迴車者擇蔭終嚴惡木枝
此際閒情劉一止沉吟細改曉行詞

行石埭道中苦熱

日輪辛苦逐征輪頭上紅雲足下塵村犬作聲憎過客
山林開眼惜勞身車中已慣成新婦樾下終能蔭暘人
大暑害原同酷吏魯公執扇念斯民

曉行青陽道中

霧行十五里晨光始微明溼雲學波濤一線山腰平山
靈似識我露面來相迎叢薄上炊烟陰崖散露英人家
瑞芝山房詩鈔 卷五 十
啟半扉溪湍飛急聲羣鳧亂流下雙犢綠草行解裝聊
憇息殘夢有餘情遙見遠林際初日懸銅鉦何惜緇塵
染所志在澄清

渡五里河

五里無因駕石砮野航渾不上篷牕斜指紫蓼花三尺
飛下紅蜻蜓一雙荷鏡雖圓難照水菱歌中斷自成腔
畫船烟浦相容與翻認歸帆落暮江

秋海棠

月細風尖夜女郎如有靈花叢千點露葉底一星螢翠
幄宜深擁瑤鈿易墮零柔腸原怕斷爲爾立伶俜

書崇百藥齋集贈陸祁生大令

繼輅

我我瓊璠器理勝兼孚勝寶玦爛滿目璇源閩中孕九
磬開浩奏和鍾協離磬后歸能依聲中旗庶善聽精神
周百紀名價敵千乘文章經國業志行貴相稱良馭駕
今展鉅子學舊證儒林循吏傳位置未易定小夫綴碎
語寸莛洪鐘應象楮刻雖成燕石難爲贈區區牛一毛
嶽嶽麟之頤恢張出世宙洗盪及不佞集中敢作賊門
前願掃徑

贈陳叔安公子 方瀾 用姜堯章送陳敬甫韵

敲金戛玉聲盈耳陳君擲地詩一紙勤行君久跂上士

瑞芝山房詩鈔 卷五

十一

胸廿八宿化爲字日昨訪君官閣裏與同平章風雅事
君才造物不敢忌故令狡獪弄一世小儒敢託膠漆契
走也咋舌已如是畏君之鋒三舍避畏君之鋒三舍避
文筆耿介倚天外

、再用堯章韵贈管異之孝廉 同

江甯詩筆管梅耳 梅謂伯言郎中曾亮 惜抱翁留書一紙 見姚姬

與吳山尊學士書 梅君昔之狷介士巨編示我神仙字 傳比部

刻岐亭書帖中 余極愛 時異之在鄧中丞 今逢管君官閣裏 節署長諸公子經 兄事不能

伯言詩 請師事莊論不顧俗流忌苦欲積波挽當世鴻文與古

合符契正法眼藏倘在是雷霆驅走蛟螭避雷霆驅走

蛟螭避光芒萬丈燭天外

時以文集見示

白秋海棠次陳叔安韵

朦朧淡月不分明花魄呼來再再生一徑烟蕪魂欲化
滿身風露骨逾清漫勞銀燭迴光照可有明珠泣淚成
知爾柔腸容易斷儂心還只似懸旌

霓裳一着便登仙何必生身切利天素面尙能欺號國
舞腰原不學旋娟雪膚花貌知誰是銀漢紅墻在者邊
獨爲徘徊千百遍雲階月地有前緣

贈汪平甫 鈞 卽題其筠心堂草官樣文章

汪君戰勝臞者肥言大足副腰十圍

時在節署同飯汪君自憎其肥故爲

瑞芝山房詩鈔 卷五

七

釋 自言其志有三變每變直追古豪彥

見梅伯言贈序中

一編

示我英瓊瑤如子野聽號鐘調文章豈愛作官樣孔璋
發矢在弦上山川能說況好奇百首胡曾詠史詩此才
造物亦閒與終是金華殿中語我嗜君作磁引針揭淺
或恐未碌深歸當急與竹恬語我友真不妄期許 君同里周竹恬介福嘗以君告余

陸祁生大令分纂安徽省志藝文成爲七律以紀

鄧中丞管孝廉皆有和作屬余繼聲

論定書名志一方此中歲月去堂堂向欲補目留班史

志稿本鄧湘臬孝廉顯鶴草創君爲之補定

歐宋無心襲舊唐

江南通志多誤時有議沿

之者君力七錄篇題存考訂八州人物待平章知君鄭
持不從重千秋業高照如椽燭兩行

底須成佛與生天難結無如翰墨緣萬本虛憑文士願
千金那得國門懸證明怕遇梁邱賀藏弄休逢郭子元
手把一篇頻審睇低回不獨爲前賢

三伏不雨嶰筠中丞祈而雨立應詩以志喜

少昊初執矩金飈未鳴商濯枝已愆期休徵在時暘爻
揲西郊雲敵卧東扈糧魚占方望澤龍潤何乖祥峩峩
高密侯嶽嶽昂宿忒試從離畢躔仰茲卿月光崇朝泰
山澍一酌中衢觴何用讀蕃露縱陰閉諸陽何用設俱
瑞芝山房詩鈔卷五

三

醜土偶空形相天意故迤邐化鈞顯贊襄破午啼一鳩

值卯飛羣羊跋烏匿曦景兆人斟天漿遙知甲兵洗時西

陞奏捷不獨農夫慶涸鮒亦沾被候日慙公明懸思繡袞

人嚴坐燕寢香喜有眉山記賀有少傅章

拜袞

拜袞遙遙未有期已看深綠換秋眉下中品美人能貴
長短書非我所知諷籀九千求識字陳詩百一太傷時
雜懸本不貪鐘鼓其奈天風海上吹

獨夜

時客宣城縣署

二十五秋點勞人靜裏聲繫腸千百結對影一雙清短

檠背風泣破牕窺月明征鴻過盡也錦字未裁成

陵陽書院中有小樓曰環翠如畫江城撫檻而得

余挈侶往登山雨驟作輒用命篇東朱尙齋大

令錦琮

傑構飛四阿疏寮敞三面拾級忘其疲抉背曠所見佛
頭露遙岑龍鱗繡芳甸墉櫺相毗連竹柏鬱葱蔭翠堵
鈴語答長薄林容絢儻焉滃饋留水雲蕩澄練鶴颺從
西來叢杉與合戰漫空白雨點打頭黃葉片玉樓粟凜
起羅裾珠亂濺天亦生濤波迴漠復撇淀簾幕垂千家
炊烟雜一線警耳鐘微暗濕翼鳥息倦南榮溜琤琮中
瑞芝山房詩鈔卷五古
坐客瞑眩人事倚伏機天道陰晴變記取環翠樓乃在
宣城縣

自題楚雨詞

名字蓮鴻記尊前枉斷腸歌宜小石調夢隔鬱金堂罷
酒瓊簫冷如人錦瑟長餘香分研墨銷盡好年光

書近狀寄里中諸子

新來渴病減相如苦盼同時讀子虛官給豬肝終累世
詩傳人口轉愁余封侯客帳驚回夢落筆家書敢自譽
魏文帝語到日秋堂風雨暗故人好爲報瓊琚

北樓奉同年丈郭松崖太守

承恩晚眺

落日歛山翠遠天生水紋樹聲馳急雨笳響裂寒雲雉
堞林中見人家烟外分高齋閒坐者清發感斯文

八月十五日甯國試院賦呈年丈郭松崖太守兼

示吳華南大令山錫瞿式堂茂才治模何春谷

孝廉家駒時共襄校府試卷

當年環佩大羅天曾聽霓裳奏衆仙

太守官吏部郎中
戊寅壬午兩與鄉

會分校
之任

寶劍名篇傳海內老坡列宿掌奎躔太守乙雙
丑翰林

旌小謝城邊駐一鏡中秋月上懸可有許棠能咏桂今

宵花葉十分圓

正如白傅在杭州張祐徐凝定解頭尺二秀才須屏棄

瑞芝山房詩鈔

卷五

五

無雙國士費搜求董公讀史名能記坤金翻經象細讎

一一鶴聲勞辨取要從苦海着明眸

借呂四蓉塘朝良行句溪盡處得一小寺

意行逐流水古剎闕雙扉山氣寒侵戶溪光綠上衣亂

鴉和葉舞一雁帶雲飛暫對金仙坐居然杜德機

甯國郡齋以少孤爲客早爲韵得古詩五首其一

時作體製微別

夕登北樓上引領劃然嘯娥魄如聞呼沐浴出瀛嶠長

庚明西隅離離發光燿天風鼓羣木笙竽鳴萬竅塊獨

張素徽蕭散翕衆妙微颺指爪涼寒輝毛髮照孤衷寫

急絃世耳無苦調，狗人良黠歡守已。貴得要伏濟，見懷
澄高崧。企德邵文行，難合并猶將。溥謝眺，崇談怵衆聽。
至樂喻獨笑，元鬢而綠眉。誰憐此年少。

飛蓬辭孤根，高下隨風驅。眷言遠遊子，惜此金玉軀。竭
來宣城郡，庖廩仰公厨。物交引耳目，中戰分肥臞。寡營
絕世擾，甘寂寞。良自媿在醜，不表異抱蜀。慎所趨，牆高固
下基。行舒得夷塗，談笑有倚伏。較若機張虞，酬酢亦云
衆。形神彌覺孤，安得脫鞶鞶。言歸伏菘蒲，閉戶謝外人。
著論希潛夫，盟三十六鷗。釣四十九鱸。

束脩治經術，暇日苦下帷。家法今古文，儒說前後師。派
瑞芝山房詩鈔 卷五

七

別判沮漳依據抉，菱茲古訓通其意。大略乃可窺行河，
禹貢道斷獄。春秋詞旁逮，諸子流一一。窮葉枝下搜，百
代史燦燦。列日眉短書，及瑣記默識。皆靡遺萬言力，自
誦一物恥。不知學成未見用，出門迫寒飢。得交當世豪，
詰我何挾持。與語匿其笑，謂我姑置之。坊州求杜若，怪
鳥問蹲鴟。何代乃無賢，自苦空爾爲。

鷄鳴利孳孳，非舜乃爲蹠。咄哉當塗子，盡用計然策。燕
公鑄橫財，和嶠中深癖。障蔽到錢篋，鑽剝及果核。通神
過十萬，插標計千百。招寶有侍郎，佳名慕疇昔。賣絹鄙
牙人，那顧婢子責。仕宦爲子孫，便利問田宅。斯言良足

師買菜尙求益直欲使一門長此號萬石劇憐堞坤爻
錙銖靳逢掖不云當庇寒而云惡十澤誰計一字縑誰
載輕舟麥上書于襄陽眼中無此客

龍媒兒駒時氣已凌遠道世無九方歎但見一毛好服
之駕鹽車食之同牛阜魁士卓絕姿青霞鬱奇抱蘇季
揣摩成賈生涕淚早憂樂後先間怒焉心如擣馬不戀
棧豆士乃困梁稻世路方欽巖駿實望良造温飽志豈
謀戶牖不終老飢寒待三公乾笑欲絕倒頗薄箕穎人
無用甘枯槁風流江左相一語爲雪澡出山爲遠志在
山爲小草

瑞芝山房詩鈔

卷五

七

蟪蛄曉發卻憶仲弟守桐用東坡不飲胡爲醉兀

兀韵寄之

夢中廣廈見突兀醒來小艇凌風發殘燈搖焰暖半明
孤照秋人思落寞一衣帶水千里隔望中寒雁入烟没
天風吹我羅裾薄歸去屋梁看落月旁人那問汝苦樂
念我定知心惻惻汝且須臾忍離別九萬搏風指倏忽
堯階再唱聞在昔安見齊門長挾瑟但當記取肯寒時
莫侈笙歌領史職

板子磯舟夜

孤月去隨水大星寒在天波濤高枕底莫撼老龍眠

舟行卽目

林盡見茅屋徑危橫石橋磯頭翎刷鷺樹杪影穿樵白
鳥雙雙去青蘆瑟瑟搖輕舟經過處一葉下寒潮

銅陵舟夜用康樂石門韵

篷背霜生明沙屋潮未歇水光撼羣星洲形抱新月寒
聲蘋籟起厲響戍笳發亮無晨風翼江海焉飛越魂夢
猶漾馳毛髓孰洗伐明當擊汰去朝陽事晞髮

寒鴉

一繩鴉陣早驚寒當作橫斜草字看流水孤村相憶遠
垂楊終古穩棲難玉顏見影休生妬雲鬢經秋欲學盤
瑞芝山房詩鈔 卷五 六
守取年時頭白日可憐霜雪滿霄翰

論詩絕句

誰譏書篋李崇賢此語應從妬口傳選理細煩詳注意

毛詩賴有鄭君箋

文選

枚叔文章能創格猶傳七與五言詩珊瑚架筆麒麟種

省識河梁句後時

玉臺新詠

積石道源終碣石渠干七百并成河望洋鑿空皆無用

何況沾沾一勺多

郭茂倩樂府

當時綺靡善緣情此是詩家最正聲比似馬楊鋪賦藻

曲終奏雅自分明

初唐體

臨水登山一片心蒼涼九辨九歌音強將面目論陶謝

坡老當年識未深

柳柳州

宮中齊誦呼才子樂部能謳負盛名我欲按歌徵舊譜

定教字裏出金聲

元白歌行

妄人投溷何須較文字遭逢獨羨君束帶迎詩韓吏部

傳緘作序杜司勳

李長吉

誰令奇節縱橫士早作江湖落拓身獨抱罪言揮涕淚

却來傷別與傷春

杜樊川

雲雨傳疑直至今孟亭索解獨鈎沈虛遭百結鶉衣累

未許西崑作嗣音

玉谿生

瑞芝山房詩鈔

卷五

九

苦把冶遊繩細行總緣場屋困長材直尋詞客千秋上

獨向陳琳墓下來

溫飛卿

縫月裁雲紆妙思敲金戛玉聽奇聲好詩須就誠齋讀

始信文章有定評

白石道人

楚國蘭芬矜絕代漢朝輦輦悅溯遙年風烟六詔愁腸斷

錦段分明一一傳

楊升庵

蒼莽河山身作客蕭條陵寢淚沾衣劉蕡竟以書生沒

望斷江南不忍歸

顧主事

倚天長劍切雲冠露洗芙蓉手把看欲徃從之飛雨雪

羅浮清夢不勝寒

嶺南三家

懸河在口廿一史不向稗官中乞靈此語聞之甌北叟
梅村詩魄若爲醒

吳梅村

涼秋九月動悲笳沙碾冰輪雪作花怪底燕支山奪色

倩孃噓氣幻朝霞

秋笳集

談龍誤下貪多語那識光明大寶珠小技沿源到經史

辦香敬爲小長蘆

曝書亭集

銀河無浪月明明月裏樓臺七寶成中奏霓裳羽衣曲

天風搖曳五雲行

樊榭山房集

擲米成珠事太奇緞蘭爲佩欲貽誰侍兒目瞬魂銷地

莫遣君王怒偃師

香屑集

瑞芝山房詩鈔

卷五

三

平生雅愛倪迂畫淡處能令意也消石罅鳴泉清澗瀟

山巔落木靜蕭蕭

鐘石齋集

金風亭長宏聲律樊榭山民辨取裁萬卷儲胸嚴一字

陳言那得筆端來

有正味齋集

曠窮霄漢見孤鶴力重邱山挽萬牛太白樓頭一長嘯

擲將詩卷障江流

兩當軒詩

坳結軒詩嚴節制更生齋集突縱橫就中自有書三昧

真面廬山到眼明

洪北江

通眉長爪苦吟心桐柏軒中奏素琴細咏綠牕遺橐句

豈惟烏佛鑄黃金

芳茂山人詩錄附長離閣集

相視如伯言
外祖故居

小來榆塞飛揚氣中歲蒲團苦寂身
位置此才應有地可能文苑定斯人

小謨齋館集

雲拂銖衣塵不染津回諫果味能甘
絕詫西江宗派內分將俎豆祝禳南

柏菟山房詩

擬蘇東坡游金山寺卽用其韻

我持鐵笛凌金鼇吹落浮雲墮滄海
六朝寺古占高峯江天峙有經臺
在禪林小憩循坡陀吳船楚舫圍清波
蒲牢一聲遞兩岸碧雲吹皺魚鱗多
欲向飛巖倚孤楫中泠泉畔翻斜日
晴霞片片映春洲半空碎散珊瑚赤
移時冰蟾微吐魄兩三漁火隱深黑
憶昨桂棹擊空明瑞芝山房詩鈔

卷五

三

夜半山頭樓鶻驚解來玉帶無人識
聊爲雲堂留信物蓬萊何必求三山
茲山靈異驚愚頑掉頭歸思真難已
寒雁微茫渡煙水

勞勞亭

集唐

握手一相送同人惜解攜亭高出鳥外
山遠與人齊簷外長天盡煙中獨樹低
亂峯江上色過客馬頻嘶回首金陵岸
春風醉別顏空亭簷月在度嶺片雲還
暝色生前浦風聲落暮山又登塵路去
楊柳爲君攀

京口竹枝詞

春來選勝愛徵歌翠耳明璫擁綠娥
鐵甕城頭登眺徧

更無人處月明多

秋月潭空水不流黃花紅葉并含秋歸鴉數點疏林外
斜照飛銜木末樓

邊馬初驚鬣聲霜寒北府角弓鳴韓公五堞今何處
明月斜飛上子城

漁娃作態亦纖纖春意昨宵夢早甜打槩胭脂橋下過
東風一夜水痕添

當日南園有舊牌司名都統宋官階設酌定爲京清美
贏得人稱稅務街

溪水潺潺入鄭湖花如覆錦滿平蕪夢中山水縈情處
瑞芝山房詩鈔

卷五

三

沈括風流絕世無

精藍勝地絕凡塵馬素當年說法頻林鷓天花都繞屋
獨能解脫縞衣人

妾駕鈿車擬七香郎騎寶馬躍紅鴛柳枝好折勸郎折
卻惱垂絲纓纒長

風流雅愛奮摻擲交戟南唐節鎮父虎帳忽飛蝴蝶去
蒜山月黑斗橫斜

溟濛山色一痕遙岸柳蕭疏入畫描尙記算山宵定策
伐烏林曲唱韋昭

栖煙一鷺立迴汀眼裏金焦兩點青楓葉落時偏惜別

可堪更上送江亭

住近東城半里遙登登白石路條條傷心刁約歸何處
流水潺湲過范橋

小徑尋幽到竹林戴公當日入山深月明時有哀猿嘯
古鐵一聲清客心

落英如雪柳搓絲嬌眼春心若箇傳聽徹簫聲東苑裏
月明如水不成眠

金粟參差蔭桂亭翔雲樓好客重經陸公祠外野梅綠
劉裕宅邊霜竹青

望望神亭腹色中晴沙一片郭門東曉風殘月柳三變
瑞芝山房詩鈔

卷五

三

墓上野花開自紅

生公說法偈 並序

將欲闡三車之妙諦說雙樹之真詮白業能純
元言無盡則必使金篦刮膜悟徹迷途鏡象離
銓別求空趣身城意樹都是菩提忍草禪枝俱
歸大覺而後初地光明照金毛之鹿梵音清淨
降白耳之龍大開智慧之花便是華嚴之偈然
亦屬在衆生本具佛性但聞妙旨可契真知從
未有龍樹拏空亦會無遮之義象輪懸室也明
大藏之心如道生法師之聚石爲徒而說法點

頭者也夫其所說者涅槃經也辨欲漏有漏之名無明始了說生滅寂滅之樂歡喜成因譬諸眾盲言象因觸呈形比之楊葉止啼卽想非實涅槃之義蓋有難言生公乃謂慧燈所燭物與人無殊彼岸之登人與物無間如必圈二點以成身聚五分而爲體始覺聲聞可參辟支無量心燈可接寶筏能躋則未免津梁之疲不見紙窗之破故其視石也卽石非石無石有石何嘗不現金粟之影悟玻璃之禪遂二諦三輪針鋒能對五戒四定寶相最嚴亦復擺脫煩惱之塵抉開生旨之眼儼點頭而會意如契心而通神若幽谷之受響等洪鐘之應聲小夫人五百道乳灌頂之醍醐大弟子十八部經盪胸之知覺譬彼聚沙而小試神通鑠銅而聊看游戲真覺靈談鬼笑鳥卽鼠空別開四禪之天更超凡識之地脫茲窠臼何須兔角龜毛證彼宏深要向泥牛木馬不有同於面壁之參九年不動破竈之打一腳踢翻者乎然而旣落言筌請參轉語開不二法門但須豎指領無上神咒惟解拈花道成周利持半偈而猶多神悟維摩啟片詞而

已嘿文殊示疾用息言津毗邪杜口無有文字
以此而言則何如遇石以無心不更愈生公之
饒舌乎乃爲傷曰

何者是佛平等相量何者是石羅列成行梯稗瓦礫道
於此藏水流花開道於此忘更無塵障何有色香可中
亭上明月一方

瑞芝山房詩鈔

卷五

五

瑞芝山房詩鈔卷六

戴棻

字召亭號菴庵歲貢生候選訓導 按召亭公長於治經所著有鄭氏爰辰補易書叢說詩無專稿茲錄其少作一二

二陸子堂懷古

我昨來華亭披叢入林壑中有草堂基敗垣倚山郭抗志懷古人二陸高踪托讀書共十年聲名聯棣萼煮酒復論文此風殊可樂一從去故鄉弟昆俱入洛吁嗟曠世才甘心戀鹽酪抱忠翻見疑一朝雙鳳落故宅今已頽大雅久不作清唳忽三更腸斷雲中鶴

九曲池泛舟

瑞芝山房詩鈔

卷六

一

縱覽金陵勝青溪麗景呈三吳元圃冠九曲善泉清源自秦淮濬潮從釣浦生層嵐排蔣阜遠勢踞臺城靈液桃津合春風桂楫橫臨流同上已策日得先庚焚尾新芻熟邀頭舊侶迎纔過挑菜節來踐浣花盟買得蜻蜒舫剛逢謝豹晴鞦韆紋千疊漾練影半篙平憶昔蕭梁事曾傳帝子名寬和胸磊磊仁孝性觥觥貴胄稱才士鴻文重上京選樓羅寶帙望苑集羣英慧業參三諦閱懷寄一泓相將乘畫舸於此建霓旌寶從鳧鷖雜烟霞袞冕輕客言何賀賀公度獨錚錚請振桓伊笛還吹子晉笙燕姬工鼓瑟趙女倩彈箏豈識雲霄志原殊市俗儉

自聆山水韻偏厭管絃聲亮節羣臣頌高吟四座驚魚
龍聽權唱巒壑入詩評俯仰成今古興亡屢變更林泉
留勝迹我輩想豪情王氣終南國仙區接大瀛當年雄
戰壘茲地控神營六代銷金粉千秋靖甲兵幾經塵劫
換依舊碧波盈鷺嶼春浮漿虹橋午賣餠芳辰劉阮共
綺句謝顏磨帆欲隨湘轉人疑附坂行翠屏循摺疊珠
穴走回縈柔櫓鳴寒玉疏篷盪碎瓊岸蕪低襯馬汀柳
遠藏鶯汎汎攀菱苕澄澄映芷蘅魚鱗齊展箔蟻釀乍
開罌乘興渾忘返探幽不計程佳遊如可續何必讓昭
明

瑞芝山房詩鈔

卷六

三十六湖權歌

射陽湖邊柳弄烟射陽湖裏水涵天北望瀾漫三百里
西來七十二溪連

東風二月水平堤歷歷杉青石礎西夜半嘔啞柔櫓撥
一星幽火落帆低

淼淼寒潮入渺茫縈流千里繞淮揚烟開朝日初生處
一點銅鉦浴廣洋

一片空明擁畫圖天光雲影共模糊扣舷爭聽吳兒唱
不數河西十七湖

戴肇辰

字友梅號芝生監生官廣東廉州府知府候
補道著學仕錄求治管見從公錄從公續錄

從公三錄楚游草靈芝唱答集楚北温紹原題
楚游草云一縷晴絲裊碧空舒無意逐東風天
孫翦出衣無縫不
似人間細織工

由鎮江赴耒陽舟中感懷

迢迢春水寄閒情風浪無端夢裏驚
少小不知遊子苦

一經閱歷便分明

華陽鎮卽景

無邊春色滿林泉新漲茫茫欲接天
江上諸峯都不見
華陽鎮畔雨如煙

舟次衡山

獨坐孤舟寂心緣讀史精慨慷悲往事閱歷寄閒情

瑞芝山房詩鈔

卷六

三

急舟頻轉雲輕月倍明一年容易過不覺又秋聲

舟次湘潭遇風

忽訝狂飈起蕭蕭向晚生孤舟偏履險遠客實頻驚
鏡影射波影風聲咽水聲灘江千里路浩渺最關情

耒署懷啟南二兄

時二兄在山西聞喜縣署

驚心南北各天涯等是風塵暗自嗟寄語明年春草綠

一時走馬到京華

時有同赴順天鄉試之約

癸巳除夜感懷

我生年廿四從未游異方每值除夜屆家居樂無央
癸巳三春日迢迢客耒陽忽焉歲云暮徒自心傍徨猶憶

承歡夕堂上壽而康欣然俱錯坐兄弟宛成行鑿鑿論
不盡高談雄辯張千里一回首能無斷愁腸況復風兼
雨對此益悲傷人生天地間聚散本無常相思不相見
斯恨索誰償安得春風便送予返故鄉梅花向春發詩
酒樂徜徉

同友人賞月

屢覺春雨苦那看春月明今宵喜相見頓慰相思情偶
值知己友清話到三更狂飲醉復醉高歌清復清閒步
過小院此境最晶瑩地僻犬驚吠林深鳥不鳴安得遊
子興長此逐月行千里亦與其何爲別緒榮

瑞芝山房詩鈔

卷六

四

改正錢漕歌

耒陽錢漕向係書差包征包解小民大爲受害

癸巳春子安叔大張曉諭錢糧改爲自封投櫃

收漕改爲交米上倉深得民心因作是以紀之

君不見漢有龐士元才羈百里中又不見明有黃利用

兩袖著清風自來耒水民父母昭然政績留蒼穹我叔

宰茲邑入境考風急問及錢與漕包攬已成習糧班餉

班幾紛爭

釋餉班均差名

里差銀匠日營營

里差銀匠役名

直欲錙銖

任盡取誰知黎庶苦倍征嗟爾耒民力農畝正課亦思

納官守無如風俗成總入胥吏手不問顛連無告情但

願重取浮收成利藪甚值年年報解時依然起解杳無
期公帑反爲私事誤好官總被奸吏欺我叔聞之中心
惻惻欲去不能欲留不得謂大害不除何以報我

國謂大利不興毋乃曠厥職諄諄示諭簡而明革故更

新真難測任勞怨兮卻賄賂

俗例三年一送規費
適屆期不納故云

愛

國憂民一赫怒忽焉踴躍共輪將合邑欣欣完征賦但
聞口碑流傳道路誰謂小民不知恩遇豈無聽訟鮮優
柔案無片牘留校士拔真才同氣總相求獨此德澤沾
四境實心實政誰與儔惟智惟勇惟勤儉我叔獨自展
謨猷不然包征包解世風晚不有我叔能探本胡爲乎
瑞芝山房詩鈔

卷六

五

七十餘載之頽風頓使此邦知所返

甲午二月由耒陽赴順天鄉試留別耒署諸友人

春色滿江城迢迢又遠行一鞭斜日照千里暮雲橫聚
散誰堪說風塵我獨驚好將離別感鄭重故人情

望衡山

遠峯七十二峻極此衡山可望不可卽逸興空闕闕斜
日半江照悠悠然白雲環

舟次耒石市有感

無端萬里賦歸期春雨春風送別離五日愁懷誰可訴
時距耒陽
已五日矣十年陳迹不堪思光陰總被功名誤志氣應

從閱歷奇獨坐孤舟真寂寂清閒且自學敲詩

湘潭客樓晚眺

雲霧淨湘江一幅晚春景煙散風月清漁燈射波影西
舫更東船悄然最幽靜

湘潭客樓春望

欲雨不成雨春光蕩遠空帆檣迷重霧笙管咽微風時
巖聲暮色長江鎖層陰夾岸籠那堪歸思切幾日阻途中

湘潭客樓望雨

北風一江寒忽送瀟瀟雨水漲山不明遙岸溼花鳴寂
坐黯無言但覺風雨苦

瑞芝山房詩鈔

卷六

六

舟阻羅山峽早起寒甚

孤舟停泊處寒氣忽增加夜雨瀟瀟甚朝風瑟瑟斜行
蹤羈地角歸思動天涯最惱羅山畔陰雲兩岸遮

由羅山放舟日行二百五十里誌喜

忽幸好風吹放舟天乍曉但看風浪平日出真皎皎一
江淨晴波遠樹鳴春鳥竟日縱大觀悠然境深窈向晚
泊輕舟小住空江表回憶阻羅山變遷殊不小

漢鎮晤環極兄夜話

等是飄蓬客深心各自知三春聯夙契八載話離思竹
院烹茶候琴軒賞月時可憐今小聚明日又天涯

登琵琶亭

潯陽江頭任來去。忽到當年送客處。水上琵琶不可聞。
孤亭猶自襯斜曛。美人名士今何在。千古江山仍不改。
我亦天涯浪遊人。春風到處驚浮塵。

舟次采石磯遇風暴

斷岸千船亂。遙山萬樹鳴。憐予過采石。又聽雨風聲。

送春

嗟予兩月滯途中。渺渺江湖恨不窮。忽見前灣流水處。
落花無語悵東風。

靈芝詩

并序

瑞芝山房詩鈔

卷六

七

乙丑暮春余守廉州之四閩月府署梅樹旁生
靈芝長尺五寬竟尺五色陸離成如意式先是
廉州歲屢不登靈山西鄉亦久不靖今盜賊漸
除而郡屬豐亨有象意者瑞在此歟抑爲人文
蔚起科第振興之兆歟爰作詩以諭郡人士

廉州濱日南僻處天一方。士風久不振。孰爲威鳳翔。重
以寇頻警。農務亦有妨。奉

命莅茲郡。內念常悚惶。下車數月來。夙夜未敢遑。兢兢
守古訓。去莠安循良。郡齋多嘉木。古梅尤芬芳。時當暮
春月。芝忽生。其旁陸離燦盈目。五色何煌煌。郡人共相

頌謂此慶非常愧無還珠德敢冀天降祥或者郡當興
先以瑞草將芝爲科名草清異錄所詳土和芝迺生論
衡理尤長方今

天子聖

威德鋪八荒靈山寇賊靖野得安耕桑郡人日向學頗
多能文章所願麥雙歧南畝棲餘糧多士盡桃李春官
偕濟蹕此瑞生不虛太守拙藉藏陳詩共相勵勉矣其
毋忘

將之瓊州署任先至廉郡審案廉人出境探訪迎

送盡禮爰口占五絕四首以紀其事

瑞芝山房詩鈔

卷六

八

路乍青平過

青平係石城地方

廉人出境迎日斜公館靜杜句獨

自見民情

廉境往來四站宿寓均廉人預備

食物將微敬殷勤意最真

鄉民有送食物者

依然興望切倍覺

話酸辛

民人均問何日返廉

郭外紳民集歡騰婦孺俱更憐無告者羅拜出城隅

孤貧

院殘廢者因曾加養增額均迎送於城外

數日行程速迎來更送歸

往來三百數十里道路均有護送並派人送瓊

民風

高太古吾亦意依依

戴楫

字汝舟附生成豐辛亥著純甫詩鈔

按汝舟徵君構於宋儒之學所

著有薛子條貫篇純甫古文鈔小學人子禮孝經註釋勸孝文註釋陰騭文詩均刊行於世詩特其

緒餘也

冬日道旁樹

嚴冬寒氣至今晨倍凜烈感此道旁樹獨有屈盤質綠葉落何處勁枝終不屈杓杓鳴淒風疏影沈白日嗟爾雖草木還自耐蕭瑟亦以根本固生意未嘗息轉盼陽春來枝幹就葱鬱

讀書

與世來往稀讀書見古人古人務聞道羞以文辭鳴往者歆藻翰頗已涉其津及今亦何益慨歎空營營生前事難盡何憂生後名

瑞芝山房詩鈔

卷六

九

風雨思君子榛苓懷美人詩人亦何爲懷思恐不伸良以平生謀不止在一身舉世目爲近歡樂且及今汎汎洪波中相從浮與沈遂使守拙人獨覺憂患侵問伊欲見者茫茫何處尋

紙窗明淨紅日旣下羣蠅就之遂賦

忽忽冬已至愛此朝陽輝羣動將盡伏微蟲戀所依人生多辛苦幽風感無衣無將閉門居遂與賞心違

題金沙沈氏別墅

僕生喜游覽家在滄江濱愛茲沈氏園亦足怡心神仄徑入幽僻南窗無纖塵窗前水盈盈坐見生清淪佳樹

蔭其外烏雀爲之馴隱隱龍山巔山色來逼人傍卽龍
湖堤湖波翻如銀吾願終棲遲日與煙霞親

午後往城東歸已月上

出門何忽忽歸途多暮景忽見清光來淡月隨我影城
市尙喧囂妙悟自虛靜悠然造化機終古此俄頃

菊

吹徧東風日影遲競呈紅紫鬪芳姿秋來幾許清涼味
合讓黃花獨自知

呈左甘谷先生兼述近况二首

獲一知己人焉往而不樂拙文自矜喜先輩賜繩削偶

瑞芝山房詩鈔

卷六

十

易一兩字往往造沈著賤子受之歸中心增踴躍此情
何能忘諒不在酬酢

稚子真意存相對殊不惡還餘半日暇澄慮坐小閣默
誦河東書俯仰見愧怍佐以風人篇諷詠礪頑薄譬之
篤疾人須服瞑眩藥間作文與詩遂被浮名縛杳杳元
泉井奈何蔽以幕此殆少年習久或歸淡泊願學無心
雲逍遙天宇廓

枕上作

予素病肺秋冬間常作其不作自若也偶早醒
覺睡未足斂氣澄神欲再眠著呼吸之際微有

痰聲隨之然後知疾病常在特未作爾遂悟一

切

吾病自謂愈靜極露其根終日勞勞人焉識萬物原

與趙記樓初秋晚眺

山林有旨趣賞識無垢氛遠樹宜暮色新秋多好雲况
逢素心友談笑何殷勤願言指俗好長此慰離羣

游北固山

北固聳雙峯雙峯相盤互後峯之勝處石壁峯陰踞嶙
峒自今古下壓江濤怒昔此來悵悵湖上不能度邇值
江水落谿達山足露峭碧數十丈突兀而容與招我重
瑞芝山房詩鈔卷六
十一
來游歷覽屢迴顧石壁我石友久別今一晤

避亂居桑家莊

茲地尙淹留干戈恨未休病中長作客夢裏亦知愁清
話人難得殘書我欲收家居能幾日風雨又扁舟

客外歸途中詠蟬

只聽秋蟬噪聲聲到耳齊羣然發清響豈遂是高棲飲
露殊蟲語迎風代鳥嘯沈吟兩不盡歸路夕陽西

王家莊卽事

愧我無才者年衰非故顏移居在村落託興喜幽閑矮
屋受明月空江來遠山翛然對清景不覺是塵寰

過清江浦重讀友梅兄楚游草謹題卽以留別
君詩本風雅雒誦情爲移欲和苦才薄難效壘簾吹子
亦縱游覽來朝將別離行行徧春山瞻望無已時

村居早景

日出煙霧散雨霽涼意新我心覺閒暇好鳥鳴清晨日
極遠天際欣與嘉樹鄰樓遲衡茅下藉茲養其真

閒居

羈窮每傷懷志趣殊曠渺晨起無一事兀坐欣寂悄雨
歇聞鳴雞葉落見歸鳥卽此中有會庶免塵俗擾

戴槃

字澗鄰號銘新道光癸卯舉人官浙江嚴州府知府候補道著書經集句文賦稿易經卦名試

瑞芝山房詩鈔

卷六

三

帖兩浙宦游紀略聽鶴山館文賦詩鈔

乙卯浙闈分校和薛慰農同年

時雨原韻

星紀重週舊夢圓

余膺癸卯鄉薦今一周矣

光陰虛度意茫然桂宮

擷秀爭新艷蘭譜同登證宿緣不信生平精藻鑑誰教
文字落言詮雕蟲小技皆餘事濟治從來重舉賢

求賢子子召千旌衡鑿端憑哲匠明自是大才能大用
須知經世本經生人誇足捷青雲上我願心清白水盟
欲話當年辛苦味且欣分校盡羣英

四上春闈轆轤忙勞勞車馬者番裝鴻名自愧通經譽

鴉薦空膺選佛場

于未壬子以集經文數薦不售

漫說讀書通政事敢

云華國有文章聽觀回首園橋地好句吟成紙幾張子

臨雍余躬逢
盛典紀以詩

滇南冀北路懸殊次第分銓若合符壬子秋余初銓順
天家兄銓雲南

蕊榜剛開英俊集時順天
榜發花封忝領弟兄俱治求管見

珍聯璧文未光騰檣韞珠講武掄才心事異際違兩地

幾程途家兄從
戎皖北

遙想金陵意亦灰武林返旆正歸來余夏初赴江南儒
查探軍情甫回儒

生也作干城選碩彥空儲杞梓材是科江南
停鄉試練勇先驅

資敵愾狂瀾欲挽仗雄才與君同是江南客惟冀天心

及早迴

瑞芝山房詩鈔

卷六

三

西冷毓秀盡英姿湖光山光亦逞奇人幸風雲多盛會

兵銷日月耀重離傳心自有金針度放眼全憑玉尺持

愧少瓊瑤報知已他山取助重相資

温州二此園八景詩

金粟舫

層軒面水屋如舟叢桂留人八月秋偶向天香深處坐

此身疑入廣寒游

脩篁亭

曲闌千外小池東移植琅玕竹兩叢巧構新亭宜夏日

涼生左右一林風

冷香閣

小窗常爲看山開閣下梅花手自栽
待得天寒風雪裏坐中時有暗香來

綠天居

碧雲低處映窗寮繞屋清陰舊種蕉
一色蔚藍渾不異秋聲還聽雨瀟瀟

清芬室

春來一室自芬芳靜對幽蘭臭味長
惟有心清能入妙此間小住得聞香

迴環廊

瑞芝山房詩鈔

卷六

七

迴廊幾曲路彎環步履尋幽興自閒
最好引人能入勝牆頭數點見青山

轉石洞

疊石玲瓏勢轉斜敢誇名勝似飛霞
嵌空都借他山助一線天開景亦佳

古墨池

古來舊蹟墨痕遺太守風流恍見之
不學揮毫學種柳而今池畔碧於絲

和友梅兄靈芝詩

集蘇

仙山在何許元芝出太元春陽一以敷
旒壽卿雲間乃

知蔽芾初不墮凡木羣君爲三郡守

謂登州濟南廉州

屢聞

天語溫翩然一麾去際海皆蒼山持節瘴海頭拯民如
救瘡民風坦和平仁心惻飢寒荆棘掃誠盡化服狡與
頑剛風被草木蕃茂爭新春忽見早梅花微陽回寸根
老芝如雲月書室延清芬幽香結淺紫矯矯如翔鸞餘
光入巖石氣若鳳與麟舞空五色羽乃竊造化權孤芳
擢荒穢神草出茅菅吏民笑相語夫子固使然我亦戀
微祿流萍閱人寰驚聞尺書到氣令芝杰熏子詩如清
風欲使薄夫敦懸知合浦人賣劍行歸田行歌紫芝曲
亦復心閒寬祝君如此草階庭秀芝蘭羅浮高萬仞繫
瑞芝山房詩鈔卷六

此空中雲

東甌留別

捧檄東來憶曩時匆匆又及瓜期敢云霖雨千家偏
但有清風兩袖隨駟馬高車非我志一絲半粟亦民脂
慚無實惠施黎庶萬口空鑄德政碑

十年往事記前游卯歲重來星紀週

余於咸豐乙卯奉差來溫同治丁卯

復來權

自昔神功多福佑

溫郡樂清有楊府君廟土匪之平頗著靈異余爲請加封

號蒙奏准

敕封福佑頻年樂歲慶豐收安民差免哀鳴雁勤政祇

期拙補鳩縱目江山憑一覽

大觀亭一名江山一覽亭

敢希王謝舊

風流

敷政端慙教養先廢修墜舉亦求全視如已事皆民事
賴有前賢啟後賢學紹程朱期克繼名稱鄒魯幸猶傳
從茲薄俗澆風革不獨浮奢罷坐筵
舊時五馬記行春再到巖陵證夙因

詔下九天

君命重轅攀萬姓衆情真海山俯仰成陳迹琴鶴追隨
自在身此去東甌重惜別願留鴻爪慰斯民

戴暉

字潤琴號鏡泉監生考取騰錄
河南候補典史著鏡詮詩草

偕諸同人出金沙小南門游眺

城南二里景難描山色湖光入望遙詩伯祠前葵子熟

瑞芝山房詩鈔

卷六

六

太虛觀裏桂香饒雞聲古樹藏茅店人影斜陽渡石橋
飽飲清芬茶一盞胸中煩慮霎時消

田家

偶訪東山處士家柴門未啟犬先譁半潭空積碧榆莢
一徑斜穿黃菜花尋筍覓藜聊當飯折松斲竹自煎茶
此中最得清閒趣徙倚疏籬到晚霞

瓶菊

書帷寂寞掩重簾疎野情懷惹俗嫌自有幽花徵契合
獨將傲骨勵清嚴香留晚節曾開宴淡引西風故捲簾
笑爾寄人籬下者那知瓶隱足深潛

讀少梅詠杜鵑花詩感賦

杜鵑啼血染芳葩。送盡春光別路賒。我本思歸歸未得。怕聞鳥語怕看花。

題何楞崖姑丈采芝圖

晉有陶淵明掛冠歸栗里。宋有陸放翁散藥成都市。先生並行之倨傲特自喜。綺歲攻詩書。文章振委靡。詞賦尤清新。騷選探其旨。劉蕡下第頻。相如納賞始。琴劍輕舟裝。泛泛之江水。西湖亦佳勝。偏以折腰恥。翩然賦遂初。采芝深山裏。獨具濟世心。療疾邦江祉。拯救徧貧窮。沈疴無弗起。貴介招不來。巨商安能使。堂北茂護華。階瑞芝山房詩鈔卷六

十七

孫子

和少梅弟舟中感懷

水上萍蹤悵所之家鄉。回首益愁思艱難。世運憑誰濟。辛苦平生只自知。極浦鷗羣真淡逸。當車螳臂尙撐支。無言獨倚篷窗下。惆悵何堪落照時。

移家山東濟南府東鄉

碧波如染柳陰扶。一幅春光入畫圖。刁斗無聲鋒鏑遠。明湖風景勝西湖。

撲簾花影聚閒亭。野老攜樽醉綠醪。萬斛塵氛飛不到。
柴門深掩鵲華青。

重陽後五日偕何春谷庶常王博堂孝廉朱雲亭

姚星伯兩茂才宮若駒裕庭兩弟游干佛山

一瞬光陰倏九秋。十年不到此重游。鵲華山色於今好。
城郭人家似昔不。席地杯盤多野酌。參天松柏隱僧樓。
紅塵有夢終須醒。分付茅庵爲我留。

明湖釣罷掩柴門。更向南山載酒樽。石壁斑斕羣佛古。
雲梯曲折衆峯屯。黃花帶雨矜秋色。楓葉經霜破曉痕。
莫上最高層上望。故鄉烽火接天昏。

瑞芝山房詩鈔

卷六

六

偕何善夫茅蘭旌登蓬萊閣觀海市喜而有作

何子茅子仙人儔。招我同作蓬萊游。珠宮貝闕渺何許。
煙濤浩蕩洵難求。道士笑問來何晏。昨有海市空中見。
虛無縹緲窮奇形。一息何殊千萬變。我聞此語愁生顏。
太息俗目仙緣慳。兀坐移時興已盡。斜陽冉冉催人還。
斯時風平浪不起。水光萬頃分青紫。羣鷗爭逐帆檣飛。
諸島明如屏幃峙。歸程緩步迎仙橋。迴首恍有靈旂招。
無端海若呈奇異。閃鑠金碧堆瓊瑤。大竹小竹增千仞。
沙門矗立浮圖峻。城闕樓觀湧虛空。巖梁雉堞分明認。
更如車馬紛往來。市人游歷登層臺。陸離光怪難盡測。

縱目移情真快哉吁嗟乎塵寰潤濁本難任况復烽煙
亘當路安得邀集海中仙卜宅蜃樓最高處

方壺消夏和少梅用少陵重過何氏韻五首

逸興耽泉石浮塵掃簿書誰知太守宅直似野人廬徑
仄頻移竹池深好種魚此中堪買夏勝賞足閒居

書長無箇事俯仰屢情移撲撲松拋子呢喃燕乳兒靡
燕生礙砌榆柳接盈岐最好清風送相將過短籬

散髮看雲候披襟待月時山林都入畫賓友共談詩蟬
唱通琴調蜂飛避網絲靜中參妙緒聊與證心期

昆仲來鄉國悲歡話短長道多亘荆棘星又見欃槍共

瑞芝山房詩鈔

卷六

九

憶懸魚節同餐飼鶴梁海濱欣聚首樓閣訪秦皇

開卷人追古焚香日似年簾帷消溽暑瓜果浸新泉樹

密雲連幄花香雨過田縱游羣物外胸次樂陶然

師竹山房賞雪和少梅用尖又韻

乾坤一色垢除纖曉起披裘覺氣嚴但見漫山真作玉
莫疑煮海盡成鹽梅橫淡影逃三徑竹夏清聲繞四檐

最憶征途兩游子忍寒偏犯北風尖

時茅蘭旌張小
軒由登起省

密霰霏霏逐亂鴉幾經過訪客停車濟貧願作千重絮
得句爭傳六出花天上幾多仙作戲海濱聊借醉爲家

閉門且效袁公卧甘讓清吟擅八叉

由嵩返洛過龍門登亭上作

石齒巉巉一徑穿雙門
階立近中天西京碑碣青苔沒
南國峯巒翠靄連
佛像千尊鑄峭壁溪聲百道瀉
清泉平生未遂登龍志
到此憑欄也快然

瑞芝山房詩鈔

卷六

三

軼聞短篇

(定夷)

△武臣不武

滿清入關之初，爲利用漢奸收服人心計，總辦明順臣王，不遺餘力，及天下既平，復修武臣傳以辱之，傳後便鑿成，其用也亦稍毒也，全文通之後，思武臣之一，金字息微，蘇少吳訂人，仕明爲少宗伯，清既即位，詔金以原官視事，後浮華要，任內，臣，滿世祖雖信任之，凡關國方略以及明尊官制，一昨成出其手，時人有語曰，從明從賊皆臣圖，又從清，朝元老大忠臣，蓋事實也，當帝初降時，使人謂帝曰，如欲某降，請以手書見許，不則寧死不降，帝聞之，使人與詢其故，金曰，某所謂十事者，於滿漢則極有利，滿人行之，則可以收拾人心，漢人行之，則不至激起巨變，如昇，即有不從者，亦可御之使從，果度，願不難下矣，使者滿道其詳，金及日，男從女不從，生從死不從，陽從陰不從，官從禁不從，老從少不從，儒從而釋道不從，但從而優伶不從，仕宦從而嫖不從，國變從而官號不從，役稅從而語言文字不從，使者還奏，帝皆從之，命遂降，自是常鑿鑿，凡事，害於漢人者，金輒鑿加繩，故當時定制，如旗人不得娶商裔，王公不得私離京城，內寺不得擅出宮門等法，金實鑿之，迨高宗嗣統，滿清諸臣之詐，大恨之，欲謀改革，以祖制故，卒不敢動，只臣下亦相率以法祖護上，終不果行，故爾宗列金於武臣傳以洩憤也。

松文若煥 管君

公淑之心刑于孝

顏直之氣貫於文章

望世

望世

松岳必及半方全在象流。再山出拱伏万京。望世修石作
五色泉流在左。音正於風雨夕雲上一隻禱。

望世品文字何

乃之旌能云。淑家吉。吉有向。自今。乃八葉。姦子。總能。更。紙。這。
傳。道。中。丁。單。妻。執。分。開。作。在。思。負。荷。莫。拒。析。新。勤。

送錢竹初於里

七品田來多。板。萬。卷。若。八。宿。玉。貴。亨。貴。井。竹。如。
我。友。才。尤。正。新。事。服。區。初。轉。量。朱。亥。水。吉。疑。髮。未。苗。號。

竹善應
亥水語





